



Broj : 01/2-02-1327/14

Datum : 17.11.2014. godine

Na osnovu člana 33. Statuta Općine Visoko („Službeni glasnik općine Visoko“ broj : 1/11 i 8/13) i člana 6. stav 4. Odluke o utvrđivanju uslova, kriterija i prioriteta za dodjelu sredstava za rekonstrukciju, adaptaciju i sanaciju stambenih objekata ugroženih prirodnom nesrećom, broj: 01/1-02-366/14, od 31.10.2014. godine, Općinska načelnica Visoko raspisuje:

JAVNI POZIV

za dodjelu novčanih sredstava porodicama čiji su stambeni objekti oštećeni ili uništeni usljed prirodne nesreće na području općine Visoko

1. Predmet javnog poziva

Predmet javnog poziva je dodjela novčanih sredstava porodicama čiji su stambeni objekti oštećeni ili uništeni usljed prirodne nesreće, a koja su općini Visoko dodijeljena od Federalnog Fonda za pomoć nastradalim područjima od prirodne nesreće na teritoriji Federacije BiH Odlukom broj: 01-14-9/14, od 04.09.2014. godine u iznosu od 48.999,27 KM. Sredstva će se dodjeljivati prema kriterijima iz Odluke Općinskog vijeća o utvrđivanju uslova, kriterija i prioriteta za dodjelu sredstava za rekonstrukciju, adaptaciju i sanaciju stambenih objekata ugroženih prirodnom nesrećom, broj: 01/1-02-366/14, od 31.10.2014. godine. Pojedinačni iznos novčane pomoći u obnovi oštećenih ili uništenih objekata, koja će se dodijeliti korisniku određuje se u skladu sa članom 6. Odluke iz prethodnog stava.

2. Korisnici sredstava

Korisnici prava na sredstva za obnovu oštećenih ili uništenih objekata su vlasnici ili posjednici stambenih objekata koji su u momentu proglašenja stanja prirodne nesreće:

- imali državljanstvo BiH
- da je u vrijeme prirodne nesreće bio vlasnik ili posjednik objekta koji je pretrpio štetu;
- da je u Izvještaju općinske komisije za procjenu šteta od prirodnih nesreća utvrđen nastanak štete na stambenom objektu usljed prirodne nesreće;
- pravo na novčana sredstva može ostvariti samo jedan član porodičnog domaćinstva vlasnika ili posjednika oštećenog ili uništenog stambenog objekta na području općine Visoko. Ako objekat ima više suvlasnika, pravo na pomoć po odredbama ovog poziva može ostvariti samo jedan od suvlasnika-korisnika oštećenog ili uništenog stambenog objekta.

3. Kriteriji

Komisija za raspodjelu sredstava za potrebe nastradalim od prirodne nesreće će korisnike sredstava rangirati prema kriterijima usvojenim u Odluci o utvrđivanju uslova, kriterija i prioriteta za dodjelu sredstava za rekonstrukciju, adaptaciju i sanaciju stambenih objekata ugroženih prirodnom nesrećom i dokumentaciji neophodnoj za ostvarivanje prava za dodjelu novčanih sredstava.

4. Uslovi konkursa i dokumentacija

Da bi ostvarili pravo na dodjelu novčanih sredstava podnosioci prijave dužni su Konkursnoj komisiji dostaviti sljedeću dokumentaciju:

1. Popunjeni prijavni obrazac na javni poziv (prijavni obrazac se može preuzeti u Službi CZ);
2. Uvjerenje o državljanstvu;
3. ZK izvadak ili posjedovni list ili pravosnažno rješenje o naslijeđivanju;
4. Uvjerenje o kretanju izdato od strane nadležnog odsjeka MUP-a;
5. Potvrda mjesne zajednice o trajnoj nastanjenosti u objektu u trenutku proglašenja prirodne nesreće ili drugi ekvivalentan dokaz;
6. Uvjerenje nadležnog organa općine Visoko o neposjedovanju druge imovine-objekta i/ili uvjerenje ZK Ureda Općinskog suda u Visokom o neposjedovanju druge imovine-objekta;
7. Kućna lista ovjerena kod nadležnog općinskog organa;
8. Odobrenje za izgradnju objektu ili uvjerenje nadležnog organa općine Visoko.

5. Mjesto i rok za dostavu prijave na javni poziv

Podnosioci prijave dužni su podnijeti pisanu prijavu na javni poziv uz dostavljanje dokumentacije kojom dokazuju ispunjavanje uslova po pozivu. Prijava se dostavlja u zatvorenoj kovrti ili lično, sa naznakom „ **Prijava za dodjelu novčanih sredstava porodicama čiji su stambeni objekti oštećeni ili uništeni usljed prirodne nesreće na području općine Visoko**“, sa naznakom „ne otvarati“, na adresu:

**Služba civilne zaštite Visoko
Ulica Branilaca broj 26
71300 Visoko**

Rok za podnošenje prijave je 8 dana od dana objavljivanja javnog poziva u dnevnom listu „Oslobođenje“.

6. Rok za donošenje odluke o odabiru korisnika za dodjelu novčane pomoći

Ovaj rok ne može biti duži od 15 dana od dana zatvaranja javnog poziva. Nepotpune i neblagovremene prijave neće se razmatrati.

Sa korisnicima koji ostvare pravo na dodjelu novčanih sredstava potpisat će se ugovor o načinu utroška i pravdanja dodijeljenih sredstava.

OPĆINSKA NAČELNICA

mr.sci Amra Babić